

liata, in dorso pilis brevibus flexuosis interdum setulis nigrecentibus immixtis obtecta, in facie interna minute adpresso pubescentia; phylla externa 4—7 mm longa, partim ovato-lanceolata, manifeste reclinata; receptaculum foveolatum, foveolis margine fimbriato-ciliatis; flores involucro subduplo praestantes, corollae 17—20 mm longae, flavae, denticulis ligulae aurantiacis; stigmata obscura, nigrescentia. Achenia fusiformia, 4,2—4,7 mm longa, 0,5—0,7 mm diametro, apicem versus manifeste attenuata, costulis tenuibus longitudinalibus 15, flavescenti-brunnea, apice scabrida; pappo 6—7 mm longo, albo, sublucente.

Floret VI—VIII. Habitat in pratis montanis carpaticis.

Type. RSS Ucr., ditio Transcarpatica, districtus Rachoviensis, pratum in declivio ripae sinistrae fl. Lapushinka, alt. s. m. 540 m, 12. VII 1948, H. Bilyk. Kioviae conservatur.

Affinitas. A *C. bienni* L. et aliis proximis radice crassiore tuberiformi, caulis parce foliatis, calathidiis ad anthesin nutantibus, acheniis 15-, non 10-costatis abhorret.

18. **Barkhausia pseudalpina** Klokk. species nova. — *C. alpina* auct.
fl. taur. haud L.

Planta annua griseolo-viridis. Caules erecti 20—60 cm alti, superne ramosi, raro simplices calathidiis (evolutis) 1—6, apice caulis ramorumque elongatorum dispositis, costato-sulcati, pilosiusculi, in costis setis aculeiformibus 0,2—0,6 mm longis obsiti vel interdum basi glabriuscui laevesque, infra medium praecipue foliosi. Folia usque ad 9—10 cm longa et 2,5—3 cm lata; inferiora oblongo-ovata basin versus sensim attenuata, apice obtusa, margine sicut et media emarginato-denticulata; superiora sessilia, amplexicaulia, basi auriculis brevibus acutatis munita, subsagittata; folia omnia per margines et subtus in nervo medio setosiuscula, in faciebus undique minute hispidiuscula vel aspera. Calathidia ovoideo-cylindracea necnon turbinata; involucrum 10—20 mm longum et 8—12 mm latum; phylla externa ei manifeste reclinata, semimembranacea, flavescentia, internis 2—3-plo breviora sed eis latiora, ovato-triangularia, ovalia vel oblongo-ovata, 4—11 mm longa, 2,5—5,5 mm lata, acutata, margine tenuiter ciliata, in dorso glabra; phylla interna oblongo- vel linearilanceolata, atrivirentia vel serius cinnamomescientia, membranaceo-marginulata, dorso praesertim fructifera convexa, pilis tenuiter setaceis patentibus ca. 1,5—4 mm longis atque glandulis subsetaceis squarrosis 0,5—1,5 mm longis magis copiosis obsita; receptaculum infundibuliforme, foveolatum, foveolis margine fimbriato-ciliatis; flosculi 12—14 mm longi, ligulis angustis flavis. Achenia dimorpha; marginalia, phyllis internis convolutis tecta, triquetra, incurvata, in parte inferiore latissima, apicem versus in rostrum ascendentem obsolete attenuata, 9—14 mm cum rostro longa, 0,8—1,5 mm crassa, flavescentia, pilosiuscula, pappo albo 5—7,5 mm longo; mediana tenuiter fusiformia, erecta, in rostrum tenuem achenio ipso haud breviorem attenuata, 10—14 mm cum rostro longa, 0,4—0,8 mm crassa, glabra, scabriuscua, pappo albo 6—8,5 mm longo.

Floret V—VI. Habitat in decliviis lapidosis tauricis.

Typus. Tauria: Magaracz, 7. VII 1889, I. Paczoski. Kioviae conservatur.

Affinitas. «*Crepis alpina* L.» nomen dubitissimum est. Species haec ex alpibus Italiae et montibus altaicis descripta, ubi planta nostra vel eae proximae absunt. *Barkhausia alpina* auct. anatolico-transcaucasica a nostra acheniis medianis 15—18 (non 10—14) mm longis, rostro achenio ipso subdupo (non parum) longiore, acheniis marginalibus sublongioribus et manifeste crassioribus, phyllis involucri internis minus glandulosis recedit.